

TikTok-էն Տաճար Վերադառնալու Ժամանակն է



ԴՈԿՏ. ԶՐԱՉ ԶԻԼԻՆԿԻՐԵԱՆ

Այս արագափոխովն եւ աղմկալից ժամանակներուն, երբ մարդը կը խեղդուի իմաստի բացակայութեան մէջ, կը կորսնցնէ իր խնքութիւնը, իսկ հոգին կը մնայ կարօտ մխիթարութեան, Ամերիկայի եւ Եւրոպայի մէջ սկսած է նկատուիլ անակնկալ երեւոյթ մը: Ուսումնասիրութիւններու համաձայն, նոր սերունդ մը՝ ժամանակակից աշխարհի դատարկութենէն յուզնած, սկսած է դառնալ դէպի այն, ինչ մուցուած կը համարուէր՝ աւանդական եկեղեցին: Աւանդութեան մէջ անոնք կը վերագտնեն կորուսեալ խաղաղութիւնը մը եւ նորոգեալ մօտեցում կը ցուցաբերեն կաթողիկէ եւ Ուղղափառ եկեղեցիներու խորհուրդին, հոգեւոր ներհայեցող եւ խնքամփոփ կարգապահութեան ու սրբութեան:

Catholic Herald-ի մէջ հրապարակուած յօդուած մը կը նշէ.

«Ոչ միայն գորթական տաճարներու կամ լատին պատարագի փակ շրջանակներու մէջ, այլև երիտասարդ ամերիկային երեւուն սրտերուն մէջ, որոնք, մշակութային բոլոր հոսանքներուն հակառակ, հոսանքն ի վեր կը թիավարեն դէպի կաթողիկութիւն: Այս երեւոյթը տարակուսանքի կը մատնէ թէ՝ աշխարհիկ վերնախաւերը, եւ թէ՝ ազատամիտ բողոքականները: Խնչպէս կարելի է, քայլայտմի եւ թուային ոչնչապաշտութեան (nihilism) այս դարաշրջանին, կարգ ու կանոնի, դէպի եւ խոստովանութեան եկեղեցին ընկալել՝ իբրեւ «գրաւիչ» (cool):»

Այս սերունդը, որ ժառանգած է ոչ թէ իմաստ, այլ ալկորիթմներ՝ նախատեսուած գուշակելու նոր սերունդին քայլերը՝ առանց ըլքունելու անոր հոգիին խորութիւնը, այսօր կ'ապրի հոգեւոր սովոր մէջ: Ազնուութեան, աղօթքի եւ խորհրդաւոր լուութեան փոխարէն, անոնց տրուած է անզգայացնող «TikTok»:

բուժում» մը՝ աւելի բթացնող քան մխիթարող: Եւ երբ հոգածութեան անունով կը վաճառուին «ինքնաս-սիրութեան» մեթոսներ՝ փափուկ բառերով եւ մշուշու խոստումներով, շատերու մէջ ծնունդ կ'առնէ խոր եւ անբացարելի պակաս մը, ներքին բաւարարութեան մը փնտուածքը, զոր ո՛չ մէկ պայծառ էքրան կրնայ լեցնել:

Թուալին աշխարհը այսօր վերածուած է միջոցի մը, որ անցած է մարդկային բարոյականութեան սահմանները, ուր ատելութիւն, բամբասանք, հայուանք, մակերեսայնութիւն եւ կեղծիք ոչ միայն նսեմացուցած են մարդուն բարոյական գիտակցութիւնը, այլ նաև աղաւաղած մարդկային էութիւնը: Այս աշխարհին շացուցիչ գրաւչութիւնը մեզ սորվեցուցած է բաւարարուիլ մակերեսային գեղեցկութեամբ, արուեստական բաւարարութեամբ եւ անցողիկ զգացումներով, որոնք կու գան ու կանչեսանն կայծակնային արագութեամբ: Բայց այս փայլքը ժամանակաւոր կրկներեւոյթ (mriage) մըն է: Այսօրուայ մարդը՝ մանաւանդ երիտասարդը, զգայուն է այս դատարկութեան ճշմարտութեան նկատմամբ: Ան կը զգայ, որ հոգին սոված է, արմատները՝ կտրուած: Ու այսպէս, ի վերջոյ, ինչ որ կը փնտոէ, զուարձանք կամ վայրկենական հաճոյք չէ, այլ իմաստ մը, որ չի խամրիր:

Եւ ահա հոս կը սկսի բացուիլ ուղի մը՝ ոչ դէպի նորութիւն, այլ դէպի մոռցուած արմատները. դէպի աւանդութիւն, դէպի հաւատք, դէպի այն հոգեւոր ժառանգութիւնը, որ տարիներ շարունակ լոյսը պահած էր լուութեան մէջ: Թուալին աշխարհը, որ ժամանակ մը հաւատքը փոխարինելու մէծիսիկ յաւակնութիւնը ունիր, այսօր

ինք կը բացայացաէ իր ամլութիւնը՝ փայլուն կեղեւ մը առանց հոգիի: Թուալին աշխարհը չի ճանչնար լուութեան խորութիւնը, եւ չի կրնար տալ այն մխիթարութիւնը, որ միայն հաւատքին խորքէն կը բխի:

Ժամանակն է, որ եկեղեցին վերադառնայ իր իսկական կոչումին, ոչ որպէս կառուց, այլ որպէս բարախող սիրուտ:

Ինչպէս եղիշէ Արքեպիսկոպոս Կուրեան, պատրիարք Կոստանդնուպոլսոյ (1909-1911) եւ ապա Երուսաղէմի (1921-1930), ըսած է՝ «Եկեղեցին» զոր ո՛չ փայտակերտ աղօթարանի եւ ո՛չ քարաշէն տաճարի նիւթական նշանակութեամբ կիմանք, այլ կ'ըմբռնենք մանաւանդ այն եկեղեցին՝ որ սեպական ժողովուրդ՝ կը թարգմանուի:»

Մարդը որքան կարիքը ունի հոգեղին մաքրումի, յոյսի եւ լոյսի՝ բաներ, որոնք այսօրուան քաղաքական ժխորին մէջ, աշխարհը չի կրնար տալ այլեւս: Այս օրերուն, երբ կարծէք մեզի հասած աշխարհը կը կրի իր իսկ ատեղծած հիմքերուն տակ, եկեղեցին կոչուած է վերազարթներու՝ ոչ որպէս անցեալի շքել յուշարձան, այլ որպէս ներկայի կենդանի աղբիւր: Աղբիւր մը, որուն ջուրերէն կը հոսին սէր եւ ճշմարտութիւն: Աղբիւր, ուր Ամստուած կը սպասէ հայրական հոգատարութեամբ: Եւ երբ երիտասարդը կը տեսնէ, թէ այս լոյսը դեռ չէ մարած, չի ծառնեար որպէս ճամբորդ ու զբաշրջիկ, այլ որպէս զաւակ, որ երկար թափառումէ ետք իր տունը կը վերադառնայ:

ԴՈԿՏ. ԶՐԱՉ ԶԻԼԻՆԿԻՐԵԱՆ, ընկերաբան, սփիտքագէտ, սփիւրքի նորարարական ծրագիրներու հեղինակ եւ գործադիր:

«Տարբերակ 21»

Կազմակերպութեամբ՝


ՍԴՀԿ-Ի ԱՐԵՒՏԵԱՆ ԱՄԵՐԻԿԱՅԻ ՇՐՋԱՆԻ

ԺՈՂՈՎՐԴԱՅԻՆ ԵՒ ԱԶԳԱՅԻՆ ԵՐԳԵՐՈՒ ԵՐԵԿՈՅ

Մասնակցութեամբ՝



ՅԱՐՈՒԹՅԱԿՈՒՑԵԱՆԻ



ՍԱՔՕ ԿԱՐԱՊԵՏԵԱՆԻ

Տեղի կունենայ

Շաբաթ Յուլիս 19, 2025-ին

Երեկոյեան Ժամը 8-էն սկսեալ

ՀԿԲՍ-ի շքեղ սրահէն ներս՝
1060 N. Allen Ave. Pasadena, CA 91104

Մուտքի Նուէր՝ \$125

Տեղերը Ապահովելու Համար Հեռ. 626-755-4773

